

ЛЕНИНЭНЬ КИЯВА

ВЛКСМ-нь Мокшэрзянь обкомонть ды Саранскоень ошонь комитетэнь газетаст

СЕНТЯБРЯНЬ

15 чи,

1935 ие

№ 99 (448)

ЛКСМ:

5-й ял
Член ЮНЕСКО

ПАРСТЕ АНОКСТАМС ЛОВНОМА-КУДОТНЕНЬ ДЫ КЛУБТНЭНЬ

Телесь учомо а карми

Ловном кудотне ды колхозной клубтнэ аштити велесэ культурно-массовой ды художественной роботань центракс. Синст эйсэ моли комсомолецтнэнь ды од ломаньтнэнь весе самодеятельной роботаст. Секс аволь случайно, Кочкуровань ды зярый лия райононь од ломаньтне пек энялдыть ВЛКСМ-ень обкомонтень, штобу меревель тест тейнемс субботникт клубонь, социалистической культурань, ловнома кудонь строямонь ды витнемань коряс.

Теке марто, меельсь шкастонть „Ленинэнь киява“ газетась получахшы зярый сермат седе, што районтнэсэ ды велетнесэ пек беряньстэ ашти, кадозь самотекс культучреждениятнэнь телентень анокстамосонь телесь.

Телентень культучреждениятнэнь анокстамосонь самотек ды олпортунистической благодущия васняк невити МАССР-энь Наркомпросось, сонзэ политпросвет-управления начальничес Яковлев ягася. Яковлев ды сонзэ полавтыцязо Удачнов ялгатнеде можна меремс вейке, што сын эрять сэтмествэ ды спокойнасто. Эсист руководителтнэнь „деловитостест“ лангс ванозь, алсетне—РОНО-нь инспектортнэ бездельничают. Ды мейсь РОНО-нь инспектортнэ каримть яволявнемекотаткак требования, конат тевс ютавтыть те правиланть: „Илямак токше монь, монгак тонь а токатан“.

Сень кис, штобу а кортамс чаво валсо, сайдяно кой-кодат факт.

Сайсынек, примеркс, келей масшатненень те шкас а содавикс Васяевень, Торбеевань РОНО-нь инспекторонть. Сон эрва косо пижни эсинзэ пек покш, стака роботадонзо, седе, што сон чинек-векс мелявты массовой роботанть парсте аравтоманзо кис, алкукс жо мествак а тейни. Васяев истя пек, рузкс мердяно, изболтался, што кияк а соды, косо сон пряды маньшманзо ды косо ушоды видестэ кортамо.

Те аволь честной болтунтнэнь (эричь честнойтккак) классической представителесь те ярлыкенть педявтни лиятненень, а неи сень, што сон сонсь пачк кенгели.

Ливезиямс „роботыця“ активистэнтнь весе деятельностизэ ашти сень эйсэ, штобу костояк муемс велосипед, ды ежонь маштомс ардтнемс. Теде мейле жо Торбеевань кунцоломань вечкиятненень еатнемс эрва кодамо галиматия butto седе, што сон тейсь подвигт васоло, а содавикс велесэ, косо сон „ульнесь“.

Васяевонь овси а ризнавты се, што районсонть культучреждениятнэнь строямось ды витнемась сезезь. Ды седеяк берянь сонзэ „тевензэ“ эйстэ се обстоятельство, што те бездельникесь эсинзэ тевтнеде а евтни Яковлев ялгантень, эсинзэ начальниктнэнь ды комсомолонь райкомонтень, конатне сынсь, канцеляриясо аштезь, теде не могли содамс.

Торбеевань политпросветчикенть эйстэ аволь седе васов тусь Б. Бе-

резникень РОНО-нь политпросветчикеськак. Бути сон тунда се кевкстеманть лангс, зяро бригадной якстере уголоконт Сталин лемсэ колхозсонть, сон апак арсе отвечаць: „вейксэ“, алкуксонь тевсэ жо ульнесь ансяк весемезэ колмо, ней жо сон может мереми, што „Гузынь велесэнт умок уш ули ловнома кудо“. Гузынэнь юнкорось жо темек сермады, што сынст вешемаст ды энялдомаст лангс апак вано, районоськак. велень советськак овси эсть мелявто, штобу велесэнт улевель ловнома кудо. Секс те шкас тосо мезеяк арась.

Таркасто сигналтнэ а ризнавтыть комсомолонь райононь комитетэнтнь как. Комсомолонь руководителтнэнь, бульчом, а ютко, ютавтыть роботань перестройка ды истя „мелочтнэнь“ кис кодамо комсомолецтнэ ды од ломаньтне ютксо политнавтнеманть парсте молеманзо кис ды массово-художественной роботань ветямонь кис нормальной условия теемадонть сынест а шка мелявтомс. Те жо—сынст пек покштев.

Культучреждениятнэнь телентень анокстамонть марто тевесэ, можна меремс, сезезь минек республикань зярый районсо.

Комсомолонь организациатнэнь, верде инструкциянь ды указаниянь апак учне, эстет эрви кундамс тевентень культучрежде-

ниятнэнь витнема тевентень. Учомс, зярдо те тевентень кунды Наркомпросось ды сонзэ таркань органднэ, те значит икеле уш те тевенть кадомс допрок сезевеме.

Тевесэ эрви ушодомс зданиятнэнь витнемастонть, белямостонть, штукатурямостонть, лембелгавтомастонть, крышатнэнь, киякстнэнь, вальматнэнь, кенгштнэнь, каштомтнэнь, мебеленть, шкафтнэнь витнемастонть, анокстамс пенгть ды прядомс художественной оформлениясонть, литературань, газетань, музыкальной инструментэнь анокстамосонть ды лият.

Райкомтнэненень, Народной образованиянь отделтнэненень, комсомолецтнэненень ды од ломаньтнэненень эрви теемс истя, штобу ловнома кудотне, клубтнэ, якстере уголоктнэ улевельть велесэ уютной-чинь ды культурань обрязецкс.

Якшамотнэнь самс кадовсь ловозь чить, ды бути культучреждениятнэнь парсте тееманть а кундыть вельсоветнэ, колхозтнэ, комсомолось ды весе общественностесь, сестэ эрви видьстэ меремс те тевесэ сезеви, бути жо тенень кундамс, сестэ минь од ломаньтнэненень телентень тейдяно культурнонть, парсте, мазыйстэ оймсема, тонавтнема таркат, ды невтняно кадратнэнь кис, жив ломаньтне кис, социализмань строицятне кис. Сталинской мелявтома.

Бездельник, болтун

ды башка эрицятнэнь ютксо. Мезе жо сон тейсь?

Весемезэ велесэнт ансяк ульнесь вейке-кавто чить. Кодамояк лезкс эзь максо, кодамояк работа эзь ветя. Сон кодак молекшнесь, кармакшнос ломаньтнэнь лангсо командовамо. Ды седе курок оргодсь мекев. Велесэнт весе сюронь урядомо шканть перть эзь ульне кодамояк культурно-массовой робота.

Омбоце пример. Меств Васяев тейни райононь центрассонть. Тесэ уш мердяно, што сон районсонть кодамояк политпросвет робота а вети. Райсонть сех ламо велетнева культурной робота арась. Те жо тевесэ сонзэ. Районной центрассонть Васяев малав ковгак а якси. Сон чийни ды вешни велосипедт, штобу ежонь маштомс кармакс ардтнемс. Эрва чистэ роботамо шкасто якси яла лия тейтерь марто (те пек паро, якамс тейтерь марто, но аволь эрва чистэ лия марто). Роботамо шкасто сон чийни эрва кодамо учреждениява. Чистэ а лововияк зяроксть ютнесынзе магазинтнэнь ды паректнэнь. Сю-

Тосо нейгак арась культурной тарка

Ней малав весе велетнева, колхозтнэва улиць ловнома кудот, социалистической культурань кудот ды лия культурной учрежденият. Ней мик [виськс се велень, колхозонь руководителтнэненень, косо а мелявтыть колхозниктнэненень, весе трудиятнэненень культурной очагонь тееманть кис.

Но истят велеть улиць эшо. Вана примеркс, Б. Березникень районсо ГУЗЫНЭНЬ велесэ. Тосо те шкас арасть ловнома кудо, клуб. Руководителтне тень кис а мелявтыть. Се, што Гузынэнь велесэнт те шкас арась культурной тарка—те мик райононь руководителтнэнененьгак покш виськс. КСМ.

Стувтозь ловнома кудо

ДУБЕНКАНЬ р-н. Кенде велень ловнома кудонтэ избачось овси а панжтнесы. Арась эйсэнтэ кодамояк робота. Ловнома кудось телентень апак анокта. Ды избачось, истя жо РОНО-сь мествак ай аргсать седе, штобу витнемс сонзэ ды кармакс тосо ветямо культурной, массовой робота. Сонзэ овси стувтызь. Ловнома кудосонть арасть эрвикс, паро книгат ды овси арасть эрзянь книгат. Кендэнь од ломаньтне учить, зярдо сонзэ панжсызь, витнесызь, анокстыть литература ды карми улеме робота. Тевесэ РОНО-нтэ лангсо. А. ЩЕГЛОВ

Кие бу аволизе васто Торбеевань РОНО-нь инспекторонть Васяевонь, сон весенень пеняци, што пек уш ламо тевензэ, арась ютко шказо, а кенери вейке тев теемс, вант уш лия тензэ максыть. Тедеяк ламо, бути сонсь киньгак каршо васты, карми севномонзо: мень шайтан, тон, мествак а тейнят, весе тынь бездельникт, мон жо вана кирьга видьга тевсэ аштан, тынь жо истяк яксетядо. Те ков истя маштови. Ды лиясто мик сон авалем сюлми. Ламот аргсать, што сон алкукс ламо роботы. Ломанесь маштсь теемс истя, што сонзэ эйсэ кемить, эрва зярдо невити шка, што сон капши, роботы, а ютко тензэ.. Вадо, илядо меша. Бути аволь умок сонзэ кияк неIZE велестэнт, то вант уш сон куваяк лиява чии, ансяк эшо ульнесь тесэ, но ванат уш лиясо. Ламонень пижни: Ах, тынь, бездельникт, болтунт... Тыньсь пижнитядо, эрви роботамс, тыньсь жо мествак а тейнитядо.

Но кодаможо алкуксонь тевсэ Васяев? Алкукс ли сон пек ламо роботы?.. Сави нать миненек меремс, што Васяев сонсь бездельник, сонсь болтун. Сон эрва косо пижни, прятны, но мествак а тейни.

Сайдяно истямо пример. Те кизэнт, сюронь урядомо шкантень Васяевонь кемекстаншнызь культурно-массовой роботань ветямо Салозгорь велень колхозниктнэнь

ронь урядомо шканть сонзэ ламоксть кевкстнэны: меств чийнят, сон отвечиль: кода истя; мон на уборочной, се ведь тынь тесэ бездельниктядо. Мон а ламос сакшнынь ды капшан седе курок туеме. А кода ульнесь тензэ недямс. Уборочной ютавты ломанесь..., капши, а ютко тензэ...

Аволь пек умок РОНО-нтэ поручениянзо коряс якась Агюрево велев. Сон тосокак мезеяк эзь тее. Сон тува вешнесь, кинь ули велосипедзэ ды штобу мак совлизе тензэ ардтнемс... Ардтнемада мейле молил садов оймсема, тосо вешнил седе паро, тантей умарт. Мейле неи автомобильсэ ардтница—лоткавтсы, туй лия велев, эли видьстэ Торбеевань.

Бездеятельностень кис РОНО-нь завось тензэ макнесь выговор, теяк эзь лездэ. Эрва чистэ тензэ тейнить замечаният, кортнить мартонзо. Теяк а лезды. Мезе жо ней жо кадовсь, штобу Торбеевань РОНО-сонть аволь уле те бездельникесь, болтунось, штобу сон аволь позоря РОНО-нтэ?

КИН.

Организуемс литературань кружок

Саранскоень [пединститутонь литературынь факультетнэсэ улиць ламо тонавтният, конатне пек бажить роботамс литературной кружоксо. Но литературной кружоконь организовамонть комсомо-

лонь комитетэсь а арсияк. Писателень союзонь правлениятень эрви лездамс тосо литкружоконь организовамонть.

Одс сермадыят.

Комсомолонь Всероссийской III-це с'ездэ (1920 иень октябрьн 2-це чи) Ленинэнь кортамонтень 15 иеть топодемань коряс ВЛКСМ-нь ЦК-сь мерсь пурнамс комсомолонь активень ды комсомолонь первичной организациянень промкст. Первичной организациянь промкстнэсэ должен улемс ловнозь Владимир Ильич Ленинэнь валозо ды тешкстэз с'нэз топавтоманзо коряс мерат ВЛКСМ-нь роботанть одов ладямодо Сталин ялганть указанианзо коряс.

Ошонь учительтне? толковать школадо ЦК-нь ды Совнаркомонь^т решениянть

САРАНСК. Сентябрянь 11-це чинь чокшнестэнт Рабросонь клубсонть ютавтозель ошонь учительтнень промкс. Промкссонт ульнесь начальной, аволь полной ды полной школань весе директортнэ, заведующейтне ды преподавательтне.

Промкссонт ванозь начальной, аволь полной средней ды средней школасо учебной роботанть организовамо ды внутренней распорядкадонть СССР-нь СНК-нь ды ВКП(б)-нь ЦК-нь постановлениаст.

Те вопросонть коряс лек паро доклад тейсь ТУПИЦИН Ялгась (партиянь горкомонь культпропось).

Прениятнесэ кортнест Почти все школатнест представительтне. Почти эрва кортыцась критиковась школань ташто уставонть, конань коряс роботаць—ламо школьникт кадновкшность омбоце иес.

Теде башка, промкссонт кортнест седе, кода седе парсте ютавомс эрямос те постановленианть.

А. МАРТ.

Истя пурнасть организация

Чамзинка. Комсомолонь райкомось Вишка—Ремезенка велес решась организовамс комсомолонь организация. Те теветь тееме сон кучсь эсинэз представитель.

Организациянь организовамо икеле од ломаньтнень ютксо овси кодамояк массовой роботань апака ютавт (мик ВЛКСМ-нь уставось апака толкова)—райкомсто кучозь ломанесь сентябрьн 12-це чистэ пурнась промкс ды прок пачат кармась панеме—организовась организациянть. Сон кочкась президиум ды президиумонь члентнень сермадынзе комсомолонь членкс,

апака вант сень лангс, што сон эзинзе сода снеть ломаньтнень социальной происхожденияст ды эсь прань ветямост.

Промкссонт мейле нейдяно, што одс примазь комсомолецэ Чабиков Ив. 1931 иестэ механически лиссь комсомолсто Чебаков Андрей вест уш ульнесь комсомолсо, но сонэз панизь комсомолсто Саранскоень педтехникумсо. Колмоцесь Гурьянов Вас. П.—васень хулиган.

Комсомолонь райкомонь роботниктнэ нать стувтызь теде Косарев ялганть указанианзо.

ян.

Мезе жо учнить пединститутсо

Кодак ансяк ушодовсь тонавтомань од иесь весе учебной заведениянть кармасть роботамо комсомолонь комитетнэж. Теэз эрявикс организационной тевть. Комсомолецтнэ борсит парсте тонавтоманть кис, кеме дисциплинань, порядкань кис ды лият.

Саран ошонь пединститутонь комсомолонь комитетэз жо те шкас эщо яла теэз эз кунда, тонавтомань иенть ушодомадонзо мейле арасель эщо вейкеяк промкс. Политтонавтомань те шкас эщо апака организова. А роботыть добровольной лия организациянтьнеж Мезе жо тосо учнить.

Рабфакоськак эзэ кадово пединститутонть эйстэ

Комсомолонь роботанть марто тевесь малав истя жо ашти Саранскоень рабфаксояк кода пединститутсонть. Виде тосо сентябрьн колмоце чистэ ульнесь ютавозь васеньце организационной промкс. Виевстэ цяпазь ды „ура“ пижнэз кочкасть комитетэнь секретарь—евтасынек фамилиянзояк—Фадин Т. А.

Ды весе тевесь текенэ эйсэ прядовсь. Фадин весеме юткови яки прань кепедезь, каштансто, комсорг... Тев жо кодамояк арась. Ведь тосо комсомолонть ней пек ламо робота. Политтонавтоманть коряс истя жо мезеяк а тейнить. Те истя од комсоргонь кочкамо мейле, ВЛКСМ-ень ЦК-ань XI-це

плenumонть решениядонзо мейле. Зярдо жо карми улеме робота, кеме, интересной алкуксонь робота?

Чер

Теньгак ловить расписаниякс

САРАНСК. Пединститутонь дирекциясь (директорсь ЧУЖКО Ялгась) течень чис а вети тонавтоманть кеме расписаниянь коряс. Валске марто примеркс, сермадозь политэкономия, но чинть ютамс сонэз таркас сермадыть лия предмет.

Тень коряс сентябрьн 10-це чистэ литературной факультетэнь васень ды омбоце курстнэз занятиян-

А кадомс каладомо

Ардатов. Урусовань комсомолонь первичной организациянь начальной школась кармасть роботамо августонь 10-це чистэ. Васенце кавго занятиянть ютасть вад-рясто, комсомолецтнэ пурнавкшность весе шкастонзо.

Берянь се, што организациясь негь успехтнэз эзинзе кемекста, сексак колмоце занятиянть ламо пелькс комсомолецтнэз эсь сакшно. Истяжо асатыть учебникт. Комсоргось Торойкин тень кис а мелявты.

А. Фомин.

Райкомось тень а несы

Рузаевка. „Од ки“ колхозсонть комсомолонь организациясь районсонть ловови кадовикс организациякс.

Алкучскак, тосо те шкас овси апака уставакшно политтонавтомань. Истя жо арасельтэ промксткак ВЛКСМ-нь ЦК-нь XI-це пленумонь решениянть, Косарев ды Чемоданов ялганть докладост апака толкова.

Комсомолонь райкомось те организациянть, а лезды мейсэж. Заиграйки.

Малайкин а заботи

Ардатов. Мурзань комсомолонь первичной организациясонть 8 комсомолецт. Комсомолецтнэ ютксо политтонавтомань те шкас эщо арась.

Комсоргось Малайкин тень кис а заботи.

А. Ф.

Китаень комсомолось

ВЛКСМ-дэнт мейле КИМ-енть сех массовой, покш секциякс ашти Китаень советской районтнэнь комсомолось, конань рятнэсэ малав сядо тышат члент.

Китаень советской районтнэсэ комсомолонть эрямонзо можна ловэмс истямокс жо, кодамокс ульнесь минек ленинской комсомолонть эряможо ды бороцямозэ гражданской войнань иетнестэ. Зярыя иеть Китаень народонть палачось Чан Кай-ши, конанень лезды ды максы тенэз вооружения лия масторонь буржуазиясь,—сон, Чан Кай-ши снартни ваявтомс верьс Китаень советской районтнэнь.

Содатано, што Чан Кай-шинь ашо полчищатне мзельс иетнестэ тейнестэ пек ламо походт ды генеральной атакат Якстере армиянь частне каршо, штобу сынст тапамс ды маштомс советнэ. Ашо армиясь Якстере армиянь коряс седе покш ды техникань коряскак седе виев. Тень лангс апака вано, героической Якстере армиясь, конань вети китаень компартиясь ды лездыть тенэз миллионт трудовой ломанть,—сон, Якстере армиясь, аволь ансяк изнилинзе Чан Кай-шинь войснатнень атакаст, но истяжо тапилинзе ашо полчищатнень ды сайнилинзе сынст оружияст.

Китаень Якстере армиясь, центральной советской районстонть туемадо мейле, ютась колмо сядт тышат вайгельпень кувалмсо геро-

ической поход весе Китаень пачк Сычуань провинциянть, эсинэз кедеь сайсь зярыя од пункт, кемекстынзе эсинэз рядонзо ды тейсь Китаень зярыя советской од районт.

Те героической бороцямосонть пек покш ролезэ советской Китаень комсомолонть. Гражданской войнань фронтэсэ эсь масторсонть классовый врагонть каршо бороцямосонть, советской, культурной ды хозяйственной строительствасонть комсомолось—Китаень компартиянь ды советской правительстванть пек кемевикс ды верной лездыцаст. Трудия од ломаньтнень пек покш самопожертвованиясь ды героизмась, конат (од ломаньтне) эсь прят апака жалья ванстыть советнэ,—те корты седе, што од ломаньтне содыть, мезень кис бороцит. Од ломаньтне содыть, што сынст эсист эрямо, сынст нень ды икеле пелень положенияст кеместэ сюлмавозь советской властенть марто. Аволь случайно японской корреспондентэнтень, кона ульнесь сеть районтнэз, конатнень кадызь якстеретне, савсь витькстамс:

„Оштнэнь, таркатнень ды велетнень ванкшномсто сельмс каяты се, што малав овси арась од ломанть, весе сын тукшность Якстере армиянть марто. Минек те а дивавсамизь. Мянь содатано, мекс од ломаньтне тукш-

шныть Якстере армиянть марто ды мекс сын ай арсит кадовомс ашонь районтнэс“.

Китаень компартиясь соды, што советской республиканть судьбазэ ашти Якстере армиянть виензэ, ды секс максы весе эсь виензэ сонэз кемекстамонть. Ды те роботасонть партиянть пек лезды комсомолось. Прок правила, комсомолонь весе члентэ, конат способнойть кемекстэ оружие марто бороцямс,—весе сын Якстере армиянь рятнэсэ. Кой-кона полктнэсэ весе боецтнэнь пелест комсомолецт.

Китайсь советэнь властенть врагонзо каршо комсомолонть бороцямонь сех покш примерэкс ашти се, што комсомолось 1933 иестэнтэ тейсь КИМ-енть лемсэ дивизия. Те дивизиянть историязо истямо.

Чан Кай-шинь контрреволюционной войскактнень ветеце походонь шкастонть, зярдо советской районтнэнь вельксэз нургсь покш угроза, комсомолось бойкасто кармасть трудия од ломанень отрядтнэ эйстэ, комсомолонь организациянть эйстэ тееме од ломанень самостоятельной ударной части. КИМ-енть лемсэ икеле пелень дивизиянть основной ядракс ульсь Син Го уездсэнтэ „Молодая гвардиянь“ образцовой дивизия. Те дивизиясь ютызе весе уездэнтэ, ютавтсь КИМ-енть лемсэ дивизиянть вербовка.

Якстере армиясонть аволь сатышка ульнестэ оружият, те командованиянть эзэ максэ возможность вооружить КИМ-енть лемсэ

одс теэз дивизиянть. Истяжо, кода Якстере армиянть лия частть,

КИМ-енть лемсэ дивизиясь нельгеснь врагонть оружият. Аволь вест уш допрок тапазь ашо армиянть Чистэнь эсь лангсост марилызь комсомолонть теэвть кшнинь дивизиянть пек покш виензэ, кона (дивизиясь) пек сеедьстэ появиль фронтонь сех отасной ды ответственной участкатнес, врагось тень а учильгак мик.

Гонконгской (ашотнень) вейке газетасо сермадозель:

„Сон (кортамось моли Якстере армиянть легендарной командирдэнтэ, Чу-де ялгадонть) шкань апака ютавтне кучсь сисем тышат ломаньстэ отряд, конань эйсэ весе ульнестэ ансяк од ломанть. Неть бойка прятне, Якстере армиясонть сех смелтнэ да апелитанть, сеске жо панизь ды тапизь правительственной войскактнень“.

А содатано, тесэ сермадыть видэстэ КИМ-енть лемсэ дивизиядонть эли аволь. Врагонть те оцнакс целанек ладс сави, кода дивизиянть, истя жо од ломанень зярыя ударной, боевой отрядтнэнтень, конатнень теинзе комсомолось.

Комсомолонть руководстванзо коряс ульнесь келей, массовой—конань эйсэльтэ ламо сядо тышат члент—од ломанень организация „Од гвардия“. Те—од ломанень пельс военной типень с о ю з. „Од гвардиянь“ организациянть ульнестэ Якстере армиянть кемевикс резервакс, ветясть партизан-



Максим Горький лемсэ культурань ды оймеамань парксонть ульнесь шлюпкасо Ленинград—Москва походонть финиш, конасонть примасть участия 8 комсомолкат. Сынь уйсть Мариинской водной системаванть 48 якамонь чис 2700 километрадо ламо.

СНИМКАСОНТЬ: Походонь участниктнень командасы: Андрюмова, Кононова, Евстигнеева, Максимова, Бабаева Райзман, Дребезгова ды Иванова ялгатне.

Ашхабадсо героической конниктнень вастомаст

Сентябрянь 13 це чистэ Туркменистанонь столицань трудиятне покш кеняркс марто вастызь отажной конниктнень, героической пробегень участниктнень. Вастомось теевсь весенародонь празникекс.

Специальной поездэсь, весе тветка потсо, сась станциятень. Отажной конниктнэ чалгасть родной моданть лангс, конась сынст самонть кис ульнес апаз коверсо.

Коньтнень седлаямодо мейле, орденоносецнень отрядось сыргась демонстрациянт икеле Карл Марксонь площадентень. Туркмениань столицасы зярдояк ещо эзь нехшче истямо шествия. Тыща ломанть кайсевкшнэсть всадниктнень, штобу сювордамс сынст кедест. Ульцятнень кувалт аштиця ломанень пек покш массасы ерьсть джигитнень лангс тветкат, казне б.

Карл Марксонь площадэсэнь ульнесь ошонь вейсэн митинг.

Кедэс цяпамонь покш лажномасонть ульнесь вастозь пробегень сехте сыре участникенть орденоносец-колхозникенть Кабыш—Мамышенъ выступлениязо, конась тердинзе туркменской народонть отечамс Сталинчэ приветствиязо лангс сюронь анокстамонь планонть шкадо икеле топавтомасо.

Демонстрациянт прядомадо мейле конниктнэ тусть культурань ды оймеамань парков, торжественной обелс, конаньсэ примасть участия вете тыща ломанть. Пробегень участниктнэ евтнесть Московсо Молотов, Каганович, Ворошилов, Калинин ялгатнень кедэс сынст ульнемадонть, мекез самсто браток сынст вастнемадонть.

Позда вес шумась праздничной карнавалось Ашхабадсо. (ТАСС).

Омбоце пятилетканть пек покш сооружения

Те иень сентябрь ковонь 8-це чистанть СССР-нь Совнаркомось ды ВКП(б)-нь ЦК-ась тейсть постановленияз Москва-Волга каналонь строямо до ды те каналонть тевс нолдамозо анокстамонть меропрятнинеде.

Беломорско-Балтийской каналонть марто вейсэ, те карми улема мастор лангсонть вейке сех покш каналокс. Те каналось Рав леенть сюлмасы Московонть марто. Каналонь трассанть куваломозо—127 вайгельпет. Те ине сооружениянть строямонть улить нолдаз 1 миллиарда 400 миллион целкозойть. 1937 иень тунда каналось ули прядозь. Каналонь трассанть лангс тешкстазь строямс зяряя электростанцият.

Вана мейле сермады „Правда“ газетасы сентябрь 9 це чистанть „омбоце пятилетканть пек покш сооружения“ икельсь статьясонзо те каналдонть:

„Московонь метрополитенанть нолдамо шкастонть минь сермадынек: „минек масторонть икеле пелень валдо положениянзо те кусокось, кона прядызе техникоэкономической удалов кадовоманть, тейсь социализмань фундамент ды ней касты эйсэнэ надстройкас. Иеде иес минек яла седеак пек ламо кармить улема сооружениянок, конань непосредственной назначенияз се, штобу вадрялгавтомс ломаньтнень эрямо до ды бытэс“.

Москва-Волга каналось самай ашти истямо сооружениянкс. Секс самай партиясь ды правительствась истя пек мелявтыть каналонть строямонзо кис. Вана мекс Москва-Волга каналонть кис должны мелявтомс минек масторонь миллион трудиятне.

Равонть Москов леенть марто вейс нолдамодо (соединениядо) проблемась появась умок уш, эщо сестэ, зярдэ масторонок эйсэ ветьясть помещиктнэ ды капиталистнэ.

Но каналдонть мелесь сестэ максозель архив истя жо, кода калмазель Московонь метрополитенанть строямо до идеясь. Тенень а мейсь дивамскак: помещиктнэ ды капиталистнэ сукна алов путсь эрвя идеянт, кона ульнесь теезь эрицянь келей массатнень запросост топавтоманть кис. Ды видьстэ эряви меремс, аволь виень коряс ульнест истят пек покш задакатне экономически ды технически лавшо Российской капитализманть.

Те каналонть строямонть, кона весе масторлангсонть карми улема леенть пек покш каналокс, советнень властэсь кундась эсинзэ экономической ды технической покш виень весе оружиятнэсэ. Каналось те валонть видьстэ чаркодезь—инек, социалистической индустриализациянт детнэ. Сед мейле, зярдэ минь теинек нееньшкань пек виев индустрия, кона нолды производствань средства весе народной хозяйстванть, ды тень коряс пек верев кепедизь масторонть производительной вийтнень уронесть,—ней ули возможность строямс ды теэмс пек покш ды пек нирькине шкас весе сень, мезесь вадрялгавты ды ма-зыйгавты ломаньтнень эрямо до ды эрямо коест, мезесь теи радостнойс ды счастливойс социалистической обществань строиятнень эрямо до.

Минек певтеме, ине родинанть улить зярдояк о маштыця природной сюлав-чинзэ ды ресурсанзо. Ды зярдэ Равонь ведесь карми лажномо Кремлянъ стенатне ало,—те карми улема большевикень партиянт ды советнень властэнь од ине изнявксос, конатнень (партиянт ды правительстванть) весе виест нолдаз сенень, штобу минек масторонть пек покш сюлав-чинтень ды ресурсатнень нолдамс трудиятнень лездемо“.

ской бороцямо регулярной Якстере армиядонть башка, но сонзэ командованиянть руководстванзо коряс, ды активнасто вангасть тылэнт. Компартиясь ды комсомолось югавтыть кампания Якстере армиянт кемекстамонзо ды кастоманзо кис, те кампаниянт югавтомсто „Од гвардиянъ“ цела организацият совасть Якстере армиянтень ды тосо тейсть од ломанень ударной батальон. Армиянтень совасть од ломаньтнень пек покш энтузиазмат ды сынэ анокт педелев бороцямс советнень властэнь кис. Советской центральной районсонть, Бошинской уезданть „Од ломанень Якстере образцовой батальонсь“ примасть решения армиян совамодо ды райононь од ломаньтнень тейсь истямо обращения:

„Минь, модань, оля-чинь ды советнень властэнь кис бороцязь, маень васень чинть праздновамсто весе эсь мельсэ мольдяно Якстере армиян, макстано вал, што тапасынек советской районтиз лангс гоминдановской ды фашистской армиянтнэ эцемаст ды допрок тапасынек котоце походонть. Врагонть эцеманзо каршо ответэкс минь тердтано советской райононь весе рабочей крестьянон од ломаньтнень совамс „Од гвардиянъ“ образцовой батальонтнэ. Минь тердтано эрва рабочеенть ды крестьянинэнт молеис фронтов ды совамс Якстере армиянт бороцямо. Допрок изнямос бороцядо модань, оля-

чинь ды советнень властэнь кис! Бошинской уездань од ломанень образцовой батальоннь члентнэ.

1/V-1934 ие“.

Китаень Якстере армиянт од боецтнэнь ламо героической подвижест кувалт славась келемкшнине весе масторганть ды кепети советской Китаень трудиятнень мелест империалистнэ каршо пек кеместэ бороцямо.

Вана родной Советской властэнь кис бойтнэсэ китайской комсомолетнэнь поведениядост рядовой примертнэсэ вейке.

Якстере армиян ветеце корпусь бороцязь Чан-Кай-шинь пек покш кедейкееце дивизиянт каршо Цао-Цзян районсонть. Комсомолонь ячейкань бюронь члентнэ, ли Ки-чинь ды сын Юн-чу ялгатне, конат бороцязь якстере армеецтнэнь марто ды ульнест сынст пряттокс, апак лотксе ветьясть штыковой бой, сень лангс апак вано, што зяряня таркас раязельть ды эйстэст чудесь верь. Сынест максыксэльть лезкс, сынть эйстэ отказасть, боецтнэ пельде вешть: „Илядо емавтне шканть, смелстэ эцедэ врагонть лангс ды мекев илядо сакшно се шкас, зярс а маштови противникесь“!

Комсомолонь роботасы истя жо пек незти эсь прязно Чан-Кай-шинь войскактнэсэ ды ашотнень тылсэ. Партиянт ды Якстере армиян командованиянт меремаст коряс ком-

сомолетнэ я к и т ь а ш о армиян ды салдатнэненъ кеместэ евтнеть, мейсь истя советнэ. Якстере армиядонть, советской районтнэсэ хозяйственной ды культурной строительствадонть эсист евтнемасост сын кастыть салдатнэнь революционной настроенияст. Те роботанть ветьямонзо коряс Чан-Кай-шинь армиястонть Якстере армиянт енов тукшнеть кода башка салдат, истя жо цела часть. Невтняно врагонь войскактнэсэ комсомолонть пек кеместэ роботамонь вейке пример. Кемготно иесэ комсомолец Сун понгсь пленс ды пленсэнт совась ашо армиянтень. Сонэнзэ Якстере армиянтень савсь туемс ансяк кавто иеде мейле, но тень кис сон эсь мартонзо Якстере армиянтень ветьясь Чан-Кай-шинь салдатонь цела рота.

Китаень ашо, гоминдановской районтнэсэ истяжо улить ды пек покш подпольясо бороцить комсомолонь организацият. Неть районтнэсэ коммунистической организациян членкс улеманть кис сех седейстэ мик овси а судитькак, сеске жо маштнеть.

1934 иень январь ковонть прядовома малав ульнесь арестовазь Китаень комсомолонь ЦК-анть член, Хубэй провинциясонть чугун-

кань ки лангонь заводонь рабочих, Ху Лан-шен ялгась. Кависоковонь перть зверской нарьгамонне эзизь синде од революционерэнт духонзо. Пытканть тейнэзэ снартнесть кармавтомс Ху Лан-шенэ евтомо революционной роботань коряс эсинзэ ялганзо. Се предложениянт лангс: „Ней тонь улить ансяк кавто кить“, Ху Лан-шен гордойстэ отвечась: „Арась, монь ансяк вейке ким!“ Ху Лан-шен ялганть казнизь (маштызь) Чан-Кай-шинь палачтнэ. Сонзэ ульнесь ансяк вейке кизэ—пролетарской революционерэнь ки „ды те кияванть сон, кода Китаень ламо сядо тышат лия од трудият, кеместэ мольсь весе эсинзэ нирькине эрямонзо перть. Те кияванть молить Китаень ламо миллионт трудият. Стака бороцямосонть, коммунистической партиянть руководстванзо коряс, сын пачкодить эсисти целентень—теэмс весе эсисти родинанть, весе Китаенть, часливой, советской масторокс.

ЮНКРОНЬ СЕРМАТ

Жнейкатне пиземе ало

Б.Березники. „2-я большевистская весна“ колхозонь 5-це бригаданть жнейкатне, крандастнэ ды лия инвентаресь течень чис апак уряда лапаз алов.

Бригадирэсь нать а нейсы сень, што инвентаренть наксаfty пиземесь.

К.С.М

Тонавтсь... колмо чить

Кочкурово. РайОНО-сь ды районной военной отделэсь „Темпы“ совхозс пурносесь 1913 иестэ ша-чозь 38 призвыникт. Сынст арсесть тонавтомо грамотс.

Но колмо чиде мейле тонавтыцясь Мастяев оргодсь тосто ды призвыниктнэ кадовсь тонавтыцявтомо.

Коть РайОНО-нь завось Белов соды теде, но мерань примамо а капши.

Овод.
П—кин.
Н—ар.

Эйкакштнэ учить тонавтыця

КОЧКУРОВО. Пиксаур велесэ строясь од школа. Но тосо тонавтыця од иесэ те шкас апак ушо-до.

Эйкакштнэ эрва чистэ учить тонавтыця. Но райОНО-сь овси стувтызе сень, што Пиксауронь школасонть арась вейкеяк школьной роботник.

МИХ--КАФ.

ГРАНИЦАНЬ ТОМБАЛЕ

США-со ОД ЛОМАНЕНЬ С'ЕЗДЭСЬ



Детройтсэ (США) ульнесь Американь од ломанень с'езд, конась тердезель единой фронтоны коряс. Весе масторонть келес ульнесь ютавтозь с'ездэнтень анокстамонь покш кампания.

Сехте ламо делегат ульнесь кочказь профсоюзной, рабочей, студенческой, пацифистской ды негритянской од ломанень организациятнэсь.

СНИМКАСОНТЬ: США-со од ломанень с'ездэнтэ исполнительный комитетэнтэ васенце заседаниясь, конань эйсэ ульнесь тешкстазь с'ездэнтэ роботамонь планозо.

Англиасо ютавтыть коминтернань конгрессэнтэ итоштнэ кувалт конференцият

Англиань Лондон ды провинциальной лия покш оштнэсэ ульнесь конференцият, конатнень организавинзе компартиясь. Неть конференциятнэсь коминтернань VII-це конгрессэ английской делегациянь члентнэ тейсть докладт конгрессэнтэ решениятнеде. Конференциятне, конатнэсэ ульнесь коммунистической партиянь марто аволь ве лувсо

аштиця ламо рабочей.б. ютасть покш успех марто.

Лондононь конференциясо кортасть Поллит ды Спринг Холл. Пешксе залонтень эзь кельге тышад ламо ломань.

Истямо жо конференцият ульнесь Шеффельдсэ, Манчестерсэ ды Англиань ды покш оштнэсэ. (ТАСС).

Тельманонь идеманть кис боротамонь международной комитетэнтэ тердемазо

Тельманонь идеманть кис боротамонь международной комитетэс терди Франциянь антифашистской организациятнень кучмс Гитлернэнь панжадо серма Тельманонь олягавтоманзо вешема марто.

Международной комитетэнтэ пельде евтазь серманть алов уш тейсть подпись антифашистской 22 организацият.

Германиясто кулятнень коряс французской компартиянь „Юмани-те“ газетась сермады, што ней фашистской судьятнэ сермадыть чумондомань акт Тельманонь каршо. Чумондомань аргументэкс ютавтыть тевс коммунистической ташто газетатнэсь колазь цитататнень. Теле башка пыткасо ды нарьгамосо снартнить тюрьматнэсь ды концетрационной лагерьтнэсь заключеннойтнень ютксто муемс, конат согласить улемс свидетелекс Тельманонь каршо судебной процесэнтэ.

(ТАСС).

Анокстыть Тельманонь судямо

ПАРИЖ. Германиясто пачтызь кулятнень коряс Франциянь компартиянь газетась „ЮМАНИТЕ“ тешксты, што, кода мерить, „народной судос“ ней аноксты чумондомань акт Тельманонь каршо. Чумондомань аргументэкс сайнить коммунистической ташто газетатнэсь а виде, колсезь цитатат.

Теде башка, пыткань тейнэсь ды нарьгазь, снартнить тюрьмас ды концетрационной лагерьтнэсь пекстазьтне ютксто снартнить муемс ломань, конат согласить Тельманонь каршо судсонть улемс свидетелекс.

Единой фронтоны митинг

Парижской областен од ломанень антифашистской организациясь тешкстась сентябрынь 29-це чистэ организовамс единой фронтоны лозунгонть коряс митинг.

Италиясо пессимизма

Рим. Женевасто информациятнень основаст коряс „Джорнале д, Италия-ь“ парижской корреспондентэсь яволявты, што текень вант, нельзя уш надиямс Абиссиниянь марто войнань а улиманть лангс. Сон яла теке карми улеме сыця маласо шкастонть.

„Трибунась“ сермады: „Минь арынек се кинть лангс, конань ютамонзо эряви мезе илязо уле“.

„Лаворо фашиста“ яволявты, што Италиясь туи виде киява. Сонзэ молеманть кияк а лоткавтсы. Ды карми молеме, бути эряви Женеванть каршоаяк.

Комсомолец

ды

Колхозонь од ломанть,
сермадсто до

„Ленинэнь киявас“

октябрынь ды меельсь ковтнэс.

Газетанть питнезэ: вейке ковс 60 трешник, колмо ковс 1 ц. 80 трешник.

Ответ. редакторсь М. ЛЮПАЕВ.

Главито № 1389 Заказ № 2710 Тираж 2162.

г. Саранск типография „Красный Октябрь“ Мордгиза

Советэнь союза

Пек покш взрыв

Коштов ливтясь сядо тыщат тоннат мода

Подольск. Подольской ало ульнесь теезь эсинэз виенэз коряс аммонитань 92 тоннань пек покш взрыв. Сонзэ анокстамонть роботатнень ветинзе „союз-взрыв промось“. Взрывенть теизь сень кис, штобу теемс траншея цементной заводонь известняконь карьеранть юткс. Траншеянтэ трассаванзо, конась должен скулмакс кавто карьерат, ульнесь аравтозь 32 шурфат (минань очкинеть), конатнень эрванть сечениязо 1 метра ды зарядонть сталмозо 2.750 — 4800 килограммат.

Арсесть, што взрывесь кепеди 38—40 тыщат кубометрат мода.

4 часто ульнесь нолдазь рубильникесь. Минной очкинетьнень капсулест сезевств, конатне кепедсь модань палмань. Породань покольтне ливтясь 150 — 200 метрань сэртъ. Взрывсэнтэ ульнесь ертозь малав 100 тыщат тоннат мода. Взрывесь тейсь траншея, конань кувалмозо 320 метрат, келезэ 28 метрат ды сэрезэ малав 10 метрат.

Сень кис, штобу истямо траншея чувомс эскаваторсо, эрваволь бу ютавомс 2 ковт, стяволь бу те 240 тыщат целковойт. Те сестэ, знярдо взрывной роботатне стясть 87 тыщат целковойт.

Киевень военной округонть маневратнэсэ

Маневратнень районсь, сентябрынь 13-це чи. Уш сентябрынь 13 чиде икеле веть келейгадсть маневривовица войскактнень фронтоны келес боевой действиятне, енкстнэ кармасть само малав.

Маневратнень васень чинь чокшне Киевэ сась Оборонань Народной комиссарось К. Е. Ворошилов ялгась. Ворошилов ялганть вокзалсо вастызь маневратнень главной ветицясь—Киевень военной округонь войскактнэсь командовицис Якир ялгась, кона евтасть Народной Комиссаронть чинть ютамо шканть енкстнэнь положениядост. Наркомонть истя жо вастызь Коссиор, Постышев, Петровский, Любченко, Попов, Балицкий, Затонский, Гамарник, Тухачевский, Егоров, Буденный ялгатне ды Украинань ды Оборонань Наркоматонь лия ветиця роботниктнэ.

Киевень гарнизононь почетной караулонть примамодонзо мейле, Наркомось сеск жо тусь „сэнтнень“ аштема таркантьнэ.

Маневратнэс састь Коссиор, Постышев, Петровский, Любченко ялгатне ды лият.

Сентябрынь 13-це чистэ валске 8 чассто, командной пунктсонть Ворошилов ялганть мольсть маневрасо военной делегациятнень ветицятне: Франциянь генеральной штабонь начальникентэ полавтыцязо генерал Луазо, Чехословакиянь армиянь генеральной штабонь начальникесь генерал Крейчи ды

Италиянь делегациянтэ праявотсь генерал Монти, конат ис-я жо ветиць Наркомонть эсист делегациянь члентнэнь

Маневрань районь весе колхозтнэсь настроениясь кепедезь, праздникень. Кудотне ды ульцятне нарьжасть, Сталин, Молотов, Ворошилов, Каганович, Коссиор ды Постышев ялгатнень портретсэст, нарьжазь цецясо ды флагсо. Ютыця Ворошилов ялганть эрва косо вастнэсь колхозникень, колхозничань ды эйкакшонь массатне, конат кенярокшнозь евтасть Наркомонть поздоровт...

Войскактне а лавшомиця энергиясо, ветиць боевой роботаст маневратнэсэ.

(ТАСС).